







武溪集卷第十一

工部尚書充集賢院學士贈尚書左僕射累贈  
少師謚襄公余靖

制誥下

樞密副使諫議大夫河北宣撫使富弼可  
加正奉大夫輕車都尉仍賜推忠佐理功  
臣

勅朕昭事天地嚴配祖宗用祈洪休大庇黔首思與  
一二輔佐同茲戩穀故疏霈寵渥冠於群倫具官某  
文窮變貫學通古今論議忠正有濟世之才謀猷高



遠有經國之用不辭忠難而夷險一心累避榮寵而  
退靜自守繇是擢登宥密翊贊機衡咨綏遠附邇之  
能致同文同軌之治朕方親執玉幣恭修燎燔而卿  
以撫循邊士不在侍祠之列朕甚思之所宜賜以凌  
煙之號遂以執珪之秩疇其茂勲昭示異數忠之至  
者寵必厚汝其欽哉可

端明殿學士兼侍讀學士給事中李淑可  
加上護軍實封貳百戶

勅國家陽郊報本宗祐致嚴舉一歲之明禋受百神  
之介福式均茂  
如邇臣某望著人表才稱國器

博通古今

術洞照天人精禋之源趨軒陞而持橐早  
居清近

侍帷幄而執經率多規益乃樂中和之職厭直承明  
之廬出班詔條專領方面禮成敷佑罔有外內崇其  
秩叙進其勲爵式表休命汝惟欽哉可

諫議大夫御史中丞王拱辰加勲

勅朕親執珪幣以事上帝升配祖考皆由舊章假爾  
近臣相我元祀茂布玉澤用均神休某材智少雙器  
識兼遠首中藝文之選鬱為邦國之華頃在禁林而



遠有經國之用不辭忠難而夷險一心累避榮寵而  
退靜自守繇是擢登宥密翊贊機衡咨綏遠附邇之  
能致同文同軌之治朕方親執玉幣恭修燎燔而卿  
以撫循邊士不在侍祠之列朕甚思之所宜賜以凌  
煙之號遂以執珪之秩疇其茂勲昭示異數忠之至  
者寵必厚汝其欽哉可

端明殿學士兼侍讀學士給事中李淑可  
加上護軍實封貳百戶

勅國家陽郊報本宗祐致嚴舉一歲之明禋受百神  
之介福式均茂  
如邇臣某望著人表才稱國器

博通古今

術洞照天人精禋之源趨軒陞而持橐早  
居清近

侍帷幄而執經率多規益乃樂中和之職厭直承明  
之廬出班詔條專領方面禮成敷佑罔有外內崇其  
秩叙進其勲爵式表休命汝惟欽哉可

諫議大夫御史中丞王拱辰加勲

勅朕親執珪幣以事上帝升配祖考皆由舊章假爾  
近臣相我元祀茂布玉澤用均神休某材智少雙器  
識兼遠首中藝文之選鬱為邦國之華頃在禁林而



方咸稱劇才佐我邦計經入有度展富國之謀均節  
有常得足用之要唯匪頒之至廣皆替成而知素宜  
崇勲賜用寵勞能

上將軍致仕楊崇勲加食邑七百戶實封  
三百戶

勅國家接千歲之統逆三神之釐種燎薦信郊立成  
禮式均茂渥無忘老臣某逮事先朝休有令望積勤  
勞而奉上歷中外而成績重率侍衛則忠謹足稱翊  
亮樞機則良實可任亦嘗出領方面付以節旄用威  
戎夷咸所倚賴早敦知止之分久從還政之樂用禋

斯畢大賚有加方念安車之寵宜益麥田之賦

大將軍防禦使蔡興已下至遙郡刺史等

並加食邑三百戶

勅國家接千歲之統逆三神之釐種燎薦信郊立成  
禮式均茂渥逮瓜牙某材武夙成忠果可任少分  
戎政則由嚴而有聞晚登環列則勤勞而不懈方資  
拱極之重仍展陪祠之恪圖敘勞舊用疏恩寵

廂都指揮使已下

勅朕膺天地之既荷宗廟之靈聿修至誠式舉元祝  
均此介福及於具寮某等咸以武功統我二族出授



封疆之寄入君宿衛之勤備彰智勇之資以當親信  
之任宜膺寵渥勿怠肅祇

省府推判官

勅朕親享太室以展孝思對越上靈以嚴祠事天地  
並祝福祿攸同駿奔于庭宜均寵渥某等縉紳令望  
臺省俊游或同經度之謀或副浩穰之政贊祿將而  
在列侍柴燎而克勤錫以轉勳欽茲成命可

諸司副使已下至崇班

勅朕裸鬯世室柴燎泰壇薦繼孝之誠嚴報本之祀  
馨香上達明靈降鑒樂與從臣同此介福某等衆推

美望籍著內朝或趨軒陛而服勞或居屏翰而分寄  
駿奔在列固夙夜之可嘉恪勤君外亦欣牙之所託  
咸進爵邑用示恩榮可

贈太尉父寧女趙氏封縣君

勅朕親享太室嘉薦薦廟壇上以承七廟之靈外以受  
百神之職均此景福被于綿區矧惟宗枝宜豐優渥  
某子女某等肅雍成性柔懿著聞頃緣棠棣之愛聿  
蒙脂澤之寵顯繁奉祀式耀華宗湯沐改封當殊異  
姓宜體篤親之意無忘令族之恩可

右正言孫甫等加恩



勅朕尊事上竊升侑列聖誠意蠲潔明靈顧享夔  
福祉被于區城具官某等識理閑遠器量方正咸自  
衆多之選綴于侍從之列或張旌而使絕域以修隣  
歡或分虎而守鄉邦以便親養或以節從召而脂車  
在途雖阻侍祠之肅豈忘均釐之典悉加勲賜以表  
予懷欽荷恩榮更勵而節可

美人張氏父堯封贈祕書監可贈工部尚  
書

勅朕舉修元祀祗薦至誠裸獻宗祊柴均黍時祖考  
顧享氣象休嘉欽荷純禧均布縣宇外惟百辟內則

九嬪悉推恩寵逮于存沒其人父某素履淳厚清節  
浚明深蘊美才不登顯仕是生令淑入侍宮闈常自  
抑畏慎守謙約退讓名品章明柔順嘉其遺德故用  
追褒俾由秘府之華驟陟文昌之峻式頒明命用賁  
幽阡可

興平郡主等

勅敦叙九族糾合同姓皆詩書所傳政教之本矧猶  
燎之成禮宜葛藟而伸恩興平郡主趙氏等雅性幽  
閑淑懷信厚卓被公宮之教既兼侯國之封顧柔良  
之有聞惟肅雍而成則易之美地庶耀靈源



百官父在者

勅人之至行篤於天性國家之教常必先之父之貴重則賞延於子子之通顯則尊及於父蓋所以敦三綱而親萬國也其父其賢業自守家聲必聞詩言禮立克謹厥訓聿傳弓冶之嗣服在簪紳之列朕方稱秩元祀懷柔百神均此介福被于率土嘉其忠教綏以寵章式昭肯構之賢以慶高門之祚可

母在者

勅古之賦祿貴於遠親雖居晉楚之富靡及鷄豚之養矧惟白草潔膳赤苒侍祠西離承命北堂拜賜國之善教吾其捨諸某官母某氏德劭嬪風義高肅則克懋慈闈之訓聿生閨籍之賢屬柴燎以嚴儀被蓼蕭而洒澤庸錫丹軒之命以彰高閔之祉可

父亡者

勅父子天性其親一也朕躬執珪幣升侑祖宗蓋所以報本崇祀奉先追孝簪組在列亦念其親宜推渙恩上及先正某亡父某高節善行束修其身遺德餘懿垂烈于後喜肯堂之令嗣霈漏泉之茂渥密章爲賁壤樹之光可

母亡者



勅朕贊鬯世室欽柴恭壇合享天地升配祖考備物  
牲幣所以展奉先之誠疏恩存沒所以廣顯親之孝  
某亡母某氏言容著範禮訓傳家沿泚宣勤珮環有  
節果生王國之彥久服朝家之寵宜因珪組之榮用  
追湯沐之賜可

百官妻

勅夫家道正而天下治蓋國風之始人倫之大皆本  
于夫婦也朕潔誠恭祀奉先追孝外修牲幣之薦內  
有粢盛之助翁受百祿敷錫四方樂與群倫恩被伉  
儷某妻某氏柔明著美淑茂流聲居無出閫之言動

有鳴環之節作嬪良士服我周行宜開石窀之封以  
寵金閨之籍俾其齊家輔國有所先後則庶幾乎治  
矣

王相公贈官

勅朕躬執珪幣升侑祖宗蓋所以報本崇祀奉先追  
孝簪組在列亦念其親宜推茂恩上及先正某父某  
邦國元老經綸燉材昆贊冲人燠調至化內修百度  
外撫四夷豐功格天遺愛在物厥有善繼齒于朝序  
用疏泉壤之澤追錫天臺之寵密章為賁幽窆之光  
可

工部侍郎參知政事陳執中三代曾祖嵩  
贈太子太傅宜特贈太傅



勅國家疏爵而尊賢稱情而制禮其德懋者其位顯  
其任重者其數優體貌之臣式參柄用褒賁之禮宜  
及曾闡其官曾祖某令望浚明雅懷冲曠含章不伐  
積善有開貽厥孫謀弼我朝政錄其先範式佇遠猷  
俾從儲室之榮超右帝傳之重下光泉戶庸顯世勞  
可  
曾祖母黃氏贈郢國太夫人

勅國家升用輔臣褒崇先正所以展子孫之志示朝廷之  
光昭起國封用賁嬪則其官曾祖母黃氏徽柔植性淑懿  
流聲服圖史以贈華布言容而成訓綽著可加之美果應  
有後之祥贊台鼎之崇上恢祖闕錫山河之賦式耀泉宿

字用賁松楸可

父恕太師中書令尚書令榮國公改封許  
國公

勅昔鄭武公父子並為周司徒天子有衮服之賜詩  
人著緇衣之詠蓋預執國柄號為世官古難其人今  
得良位美其子而追襲其父亦古之制也某官某亮  
節致君周才應物事我烈祖鬱為名卿總邦計而經  
入有章贊宰司而裁成無外粵有令器克紹先基吾  
嘗使天下知才臣之子復參大政故以節召還而共  
邦事嘉其善木之志用雨露根之澤可



母李氏贈崇國太夫人

初國家之制同體莫重於股肱人子之心揚名以顯  
其父母朕所倚注義有褒崇其官母某氏生自德門  
嬪二邦在淑靈著詠宜家室而浸昌聖善流稱穆閔  
闈而有翼我育良輔爾之令人式昭駿淑之賢本自  
斷機之教加之象服用飾幽泉可

母王氏贈鄂國太夫人

初夫能擇其臣者君之明能顯其親者子之孝極是  
二美朕所冀焉某官母某氏節茂中蘋德昭流藉夙  
彰福順克根國風是生俊良為予輔弼爰洒漏泉之

澤用表宜家之賢寵以副筭光于幽泉可

皇后曾祖太師尚書令兼中書令追封魯  
國公曹美可追封 國公

初朕接千歲之統逆三神之釐致孝克享曾誠昭薦  
馨香上達明靈降鑒渙發大號被于四方荷祖宗之  
休成吉獨之禮來盛之潔實惟內助欽其遺懿宜示  
追褒皇后曾祖某京常山之英負全趙之勁雖羽儀  
未展而堂構聿隆為生元勳事予藝祖豐功在物茂  
德庇人肆惟躬躬得是天合尊極人臣之贈用昭肺  
腑之榮更提大國之封以為中宮之寵可



曾祖母追封陳國太夫人張氏可國太夫

人

勅朕合祭天地升配祖宗四海來助百神咸秩翁受  
介祉敷錫庶邦重念夫源之深者其流必長德之積  
者所憑必厚朕既恭執鬯瓚上奉七世而中宮敵體  
以母天下肆其褻贈之典宜及曾闈俾其三廟異室  
同榮合配茲惟享國之樂行古之道也某氏毓德貴  
門作嬪令族能謹卜隣之教以成興宗之福俛天作  
令實荷遺懿滲泉流澤庸均茂渥徒封湯沐岳耀泉  
途可

父贈開府儀同三司太師兼中書令曹日玘  
可贈尚書令

勅朕承七廟之重守億年之基奉順先猷欽舉元祀  
祿獻宗柝標燎園壇三神垂禧百禮咸秩大均霈澤  
被于綿區矧惟中宮之尊內治所主固宜同茲介福  
光于外宗恩美周姜之儀庸表塗山之盛皇后父某  
積德至厚含章特立生自元勳之門專於儒者之行  
橘光令族坦夷曠之懷極蘭華省抗令終之節雖當  
世不顯而流福無窮視天發祥嬪虞作合奉祖宗之  
祀共聲純誠荷天地之休實繫遺烈式崇褒音用企



儀刑俾自龍池之榮更茂天臺之秩庶光壤樹式耀  
桂宮可

母贈吳國太夫人馮氏可國太夫人

勅朕贊也清廟欽柴泰壇精誠備至神明昭格而又  
恭發謚冊追奉闕宮上遵建隆之典聿同章聖之懿  
孝思克展祠事有嚴選御端闈渙發大號受天百祿  
敷佑四方眷言內助同茲茂祉等其立愛之念頒此  
顯親之榮某氏積善有開含華不耀自守珩璜之節  
克謹膏覃之訓米蘋之職遺範於華宗夢月之祥有  
歸於禁掖爰布漏泉之澤用展結縭之恩式加象服

之儀聿重閨門之貴可

德妃沈氏曾祖升贈太師宜特贈尚書令

勅朕丕承洪緒稱秩舊章羞潔柴盛親享清廟贊奠  
珪幣祗薦柴壇神靈降格福祉休應思與率土同此  
純禧外庭搢紳朕之輔佐咸布寵澤被於存亡矧惟  
先朝妃御協宣陰化宜有恩榮逮于祖禰某官純誠  
格物懿行聞時聿生柱石之賢以為廊廟之用積德  
至厚流福無涯肆惟曾孫實叅內職荐被密章之寵  
彌增壤樹之光宜加三獨之榮以示六官之美可

曾祖母追封燕國太夫人華氏宜封國太



夫人

勅朕親享太室展追養繼孝之誠志祀圓丘成報本  
反始之禮精意所感繁祉來同內外職司恩渥咸被  
某曾祖母某氏婦順修飭母道嚴明聿生佐命之賢  
以濟奕世之美調鼎之彥已顯於廟堂采繁之範更  
流於官掖今以雀釵之貴荐加象服之榮推此恩華  
共光存沒可

祖贈太師尚書今冀王倫宜特贈兼中書

令

勅朕嗣守不業奉順先猷三歲一郊百神受職芬芳

上達明靈降休式敷純嘏浹于區域恩被于遠當由  
近始澤浸于外必自內均某祖某以廊廟之才逢風  
雲之會功在彝鼎位登台衡厥有令孫備職先朝坐  
論婦禮有光彤管固此視卿之秩嘗啓真王之封宜  
兼雞樹之榮更耀密章之賜可

祖母追封秦國大夫人田氏

勅朕純孝以奉于先廟精意以事于圓穹裸獻必虔  
燔燎惟謹而天地並貺神靈降休致函夏之大寧荷  
文考之成烈群后追同於謚號貴嬪當優其情禮襲  
賁祖妣舊有典章某氏早流淑聲作合元宰陰德至



武溪集卷十一 十三  
廣後嗣其昌肆惟宮闈得彼恭懿彤管之職爲式掖  
廷副筭之榮宜均逝者可

父繼宗贈兵部尚書宜特贈

勅朕昭事上帝懷柔百神繼孝宗祐薦誠吉士仰荷  
純祐爰霽茂恩內外之職存亡被澤某名臣之子賢  
行著聞早垂紳而立朝嘗象河而命秩粵有令淑備  
千嬪嬙祇事先朝協贊內職肆惟追責殊于外庭宜  
進天臺之班式爲泉壤之耀可

毋追封福昌縣太君吳氏宜特追封

勅朕世室執鬯恭壇升煙昭薦至誠以荷並貺誕布

德澤均被幅員眷惟掖廷宜同介福某母某氏淑靈  
素著聖善有聞家庭甚嚴子姓蒙順選納之盛邁于  
先朝褒賁之崇慶光幽空茂恩所及營魂有知可

樞密王太尉三代

曾祖建福贈太師中書令可贈兼尚書令  
餘如故

勅朕親享七廟昭事上靈牲玉備具粢盛馨潔百神  
咸秩二儀以和嘉與率土同茲介祉眷惟俊傑參掌  
樞務能緝熙於庶政宜褒賁於逢源具官曾祖某秉  
德有經含章內照不希當世之譽克集高閑之福皇



家啓運嘗得佐命之勳躬躬繼統更獲同寅之輔屬  
嘉壇之已事均惠澤以無垠宜因右省之崇兼進中  
臺之秩錫茲明命式耀幽阡可

曾祖母追封魏國太夫人賈氏可追封國

太夫人

勅朕躬欵宗祐祗薦靈壇三神以和百禮咸秩誕受  
禧祉均被臣鄰矧惟輔弼之職素展忠勤之效宜示  
便繁之數追賁曾高之室某曾祖母某氏言容有則  
宗姻爲範卜鄰傳芳早勤胎教斷織成訓聿光彤史  
福善所積源流必長番休後昆再世爲輔人本其祖

章聞于庭宜用升進罔怠所守以荷成命可

三班奉職王良臣可南京柘城縣尉

勅某丞尉之官其品雖卑而差用清流朱紫可別故  
儒素之士得之爲榮爾本名家而補右職心苟不樂  
何能安人改佐百里茲爲茂寵其謹奉家法無忝休  
命可

奏舉人前夔州錄事參軍辛終吉可著作

佐郎

勅某國家分命天官專領選事外諸侯之舉尤異者  
必視其績狀而考進之朕親覽焉以加獎擢惟爾文



武溪集卷一 十五  
辭登第廉謹宿官州縣勤勞備嘗之矣宜升清秩庸  
勸吏能夫少而有志者老當益壯汝其勉之以蹈榮  
路可

著作佐郎何步可秘書丞

勅某西賊倣優自悔禍延安帥府能稱朝命以通其  
意而卒來講和羌夷柔順邊鄙寧息爾之周才實參  
戎事帥臣稱薦深所嘉尚苟得允異而遷之不必累  
其歲月求賢若渴朕甚慕焉宜堅爾誠以服榮命可  
廣南西路提點刑獄虞部郎中李永德可  
金部郎中

勅某夫天下獄訟多矣專付郡縣之吏則恐鬱滯而  
不伸盡俟朝廷之報又慮境遠而為累必擇明察摠  
其綱領以爾嘗守一郡而官猛得要裨察度獄而按  
視必精果當厥職而民無怨讟結其成誅升之左曹  
勉荷恩榮以副欽恤之意可

禮賓副使權環慶路黔轄張建侯可洛苑  
副使

勅某頃以策畧中缺號為材武故自關隴宿兵已來  
常使叅之自偏裨升副貳摠專達悉由試可而上下  
一言謂之稱職今通遠缺守擇而委焉夫命郡守以



臨民遣將臣而治軍分文武之任為戰守之備矧惟  
鳴沙極邊與羌戎接壤兼而付之固不輕矣升其使  
聯用示優寵可

奏舉人前昭信軍節度推官孫億可大理  
寺丞

勅某國家自一命而上集于天官得資計考歷以例  
進必取薦延多者授之京秩爾以藝文來仕選升賓  
席必有嘉書贊其善政露章稱導良用旌之勉守初  
節以荷榮命可

亳州司馬崇正可供備庫使

勅朕祗修裸鬯躬執珪幣至誠蠲潔上帝顧臨九州  
駿奔萬國嘉靖思與臣庶同茲休祉矧心國婚之重  
宜廣天倫之愛某兄某名臣之子素行自飾早登赤  
轂之士尤號白眉之良功昭于時位不充量屢推恤  
典以寵華宗庸為戚里之榮亦表相門之美增崇西  
省式貴京原可

嫂追封鉅鹿郡太夫人魏氏可追封郡太  
夫人

勅朕親欵祐室恭陟泰壇昭薦至誠用伸美報翁受  
景貺均彼函宇眷惟輔政之臣當厚元宗之寵某嫂



某氏幽閑飾性柔懿流聲宜家室而有歸訓閨門而  
允稹粵有賢傑贊予樞機庸啓郡圻之封以表天姻  
之重冊軒增賁窳窳爲光

富副樞三代

曾祖處謙贈太子少保可贈太子太保

勅朕欵七世之廟以展孝思陟八觚之壇以嚴祀典  
神靈昭格福應休嘉荷天之祿敷祐于下惟時邦傑  
協宣機政克奮同寅之力聿成共濟之美庸襲先範  
宜渙茂恩具官某曾祖某擢光內融含德獨秀動爲  
禮義之表居爲丘園之貴諳流令則實生懿孫皆憑曩

基用成遠器蓋示遙源之寵追升儲傳之華賁此幽  
泉用昭榮祚可

曾祖母追封彭城郡太夫人劉氏可追封  
陳留郡太夫人

勅朕親執鬯瓚祗薦牲玉蠲潔至誠昭示大報九州  
率職不爲獨恭百神降祉靡敢專饗嘉興良輔同此  
純休具官某曾祖母劉氏家有表儀動循禮訓珩璜  
中節沼沚宣勤源流深長福祚繁衍是生俊傑爲朕  
股肱宜因國棟之憑再錫郡封之寵式彰遺訓垂耀  
幽阡可



祖令荀贈太子少傅可特贈太子太傅

勅朕奉祖宗之謨承天地之既修崇元祀用昭美報  
翁受景福敷錫庶邦輔佐之臣名禮當厚推恩及於  
祖禰同德均其誠孝具官某祖某懿行絕俗精識鈞  
深天生忠厚之資家襲義方之訓克茂世閥聿成孫  
謀參處機衡之重時惟廟社之福嘉是遺懿宜推茂  
寵俾從三少之選超登二傳之崇下飾泉扃用隆襲  
典

祖母追封金城郡太夫人趙氏可追封南陽郡太夫人

勅朕純孝以事宗祧精意以享天地芬芳上達臍蠶  
下臨歆承洪休渙發大號爰均追遠之澤庸廣奉先  
之體具官某祖母趙氏閨壺著範宗嫔為則婦順自  
飭慈誨有成訓彰圖史福流後裔再賁丹軒之寵用  
昭幽窆之光可

父言贈太子少師可特贈太子太師

勅朕昭孝薦誠報本崇祀執瓚世室升煙泰壇馨香  
遠聞靈祗克享萬國嘉靖庶物繁膺實荷神貺牧宰  
縣區斯皆輔佐協恭夙夜宣力共致至治洽于飛沉  
宜推茂恩兼被存沒樞密副使富某父某識度周物



武溪集卷十一 十九  
文敏起家名高邦伯之政職重郎曹之選位不充量  
福流後昆粵生柱石之材克成廊廟之器庸嘉許國  
之愿實本教忠之德再優恤典式顯世勞可

武溪集卷第十一

武溪集卷第十二

工部尚書文集賢院學士贈尚書左僕射累贈  
少師謚襄公余靖

判詞上

御試十首

祕閣試十首

私試十首

甲為學官教國子以六藝或譏其藝成  
而下不伏

立身之道雖鄙異端進學之方必資善教若嚴師而



育益豈執藝以同譏甲德比珪璋才堪模範東序上  
庠之地素號人師五禮六樂之文敢忘國典至於和  
容執轡夙著彛章會意差分悉有成訓咸資博諭式  
勵多能何哉或者之談罔識先儒之道且夫治民安  
上不專於揖讓周旋易俗移風可以察存亡治亂習  
于襄尺爰標選士之規舞彼交衢再紀鳴鑾之節偃  
波成字取法於奎躔回筋窮微能知於府實安可比  
之賤拔固當勵彼兼才鄙事自謙雖聞尼父之語嘉  
猷可採蓋遵保氏之儀固難詰以他規宜見嘉於善  
誘 乙爲太常請復鄉飲酒御史以爲其禮又

廢不可復行

教民以禮誠欲從時觀鄉有儀豈妨行古將舉治邦  
之典必先幾聖之謀况乎事著前修議非獨見太常  
以禮存沿革請頒尚齒之儀御史云政貴因循難復  
興賢之制雖是非之互列在白黑以宜分順彼世機  
豈五禮之必廢知其王道亦三代之可追何則舊典  
攸存鴻儀具舉宥主取象於天地長幼以倫介僕立  
法於陰陽登降有數俾其成俗可以制中三揖而后  
升所期教讓五十者立侍式冀明尊匪獨揚觶以爲  
容抑亦薦能而垂範嚴疑溫厚體仁義而有經西北



正溪集卷十二  
東南正衽席而無亂式稽典故誠可遵行請從宗伯之言庶協先王之訓

丙爲大夫浣衣濯冠以朝或譏其隘辭云  
儉德之恭也

車服有章誠難偏下衣冠無僭當許謹身在全德而或虧於常情而何過丙也名先淑慎志謝紛華趨表著以思恭方期率勵服浣濯而從儉式誠奔淫蓋質樸而自居奚固陋而相罪且三梁垂製用辨於尊卑百襲矜豪未慙於侈汰所期見備何乃云非貴而能貧嘗觀子張之戒富而好禮式遵尼父之謀俾有節

於身章寧妄加於首飾平津布被誠或慮其矯誣子臧鷗冠終亦招於禍敗蓋俗奢而示儉非詐善而近名忘九儀之有差信一節之可尚雖義存戴禮狐裘爲卿佐之譏而詩美周南葛覃有后妃之化式昭恭德無愧前脩

丁盛服謁使者門下令其解劔辭云劔者  
君子武備不可解

皇華宣命雖喜登門武備飾身寧宜解劔必許兼人之勇難從索客之言丁也修謁駟車入趨墻仞仰其符采未逢躡履之迎佩彼干將遂致解衣之拒過既



彰於下吏禮將闕於上賓揖讓未脩侮慢可耻且繡  
衣美秩誠欲尊崇而玉具盛容難輕去就所宜與進  
胡莫肆儀雖列郡宣風漢守布佩牛之化况公門異  
禮魯人有脫練之嫌事苟失於典彝義寧甘於進退  
代逢吳子設諸或止於膝行名重霍光蕭傳亦羞於  
露索固當從俗奚獨亂常持斧自矜累勝之既聞失  
節撫齋無苟雋不疑終亦抗辭勿疑披露之心任煥  
于星之彩

戊為御史大夫泣封具獄或譏其過

黃沙具獄雖貴哀矜丹筆正刑何煩感泣苟原心而

無濫諒承捷以胡為戊名冠駕行任隆烏府國章明  
啓每色聽而得情奏草初成必面封而流淚詳觀所  
履未協大中何則自速其辜人既彰於凶德不失有  
罪法但誠於深文儻能察必無冤何用痛其不免且  
明德慎罰雖存審克之規而議獄緩死豈有漣如之  
象况自專於決讞亦可辨其重輕若微纏之妄施雖  
滄洩而何益惠姦有意所謂婦人之仁疾惡無私宜  
斬君子之噐但可精於慎惻固應絕彼放紛悲對室  
家盛吉未為得義哀生棘木張敞無乃近名將示小  
慈終虧大禮



甲為京尹耕者讓畔行者異路或云無益

威嚴御下誠曰有權禮讓移風孰云無益雖浩穰之  
難理惟漸染而克成甲以德服人所居必化大田千  
耦咸敦讓畔之誠廣陌三條盡識異途之教式期成  
俗非欲邀名何乃或人旁生橫議且仁政必始於經  
界自協和平善教不爭於醜夷爰資誘導治可孚於  
繩木事且異於米鹽學校如林既飛聲於蜀郡羔豚  
去飾嘗闡化於中都實倉廩而有知奉詔條而無失  
岐山布德遂悛虞芮之心馮翊推誠終息弟兄之訟

咸裨治體綽著民彝必世後仁備聞往謀一國興讓  
寧愧前修豈唯知稼穡之難不復競險易之利但可  
勵其謙退無宜督以科繩黃霸雖已失中張敞未為  
知義

乙為刺史薦門下吏或以為當得山澤隱  
帶辭云山澤不必有異士

擇賢而任誠恤滯淹惟才是求何必幽隱但器能而  
可採豈適軸以為先乙束帶立朝剖符出守心既精  
於求瘼道固協於授能千騎長人任且隆於藩翰百  
石補吏器不問於山林爰推體國之忠允協知人之



善豈資遺逸方侯甄收且風鑒既精文子或陞於管  
庫官聯苟序衛青猶奮於庸奴所貴立賢無方庶協  
適時之用交交之帛徒欲資於立園森森之材自可  
擇其翹楚具祐嘗交於小吏夷吾亦舉於僻游採彼  
虛名盧毓終羞於畫餅取其大節鄭詩無棄於採對  
奚必約蘭之人方令推轂而仕雖魯儒言教當舉於  
逸民而漢守接賢止求於佳器式詣舉類無或執迷  
丙越度官府垣籬官司罪之辭云隨甲而  
往

協謀抵禁法有咸倫昌受千刑理無從之匹投

同往豈原心而或殊丙德之弗修動而有悔不知其  
者方踰數仞之牆因而從之遂惟三尺之法自疎明  
慎猶啓薄言況穴隙以相從惟饒茨而是履前王著  
令徒攀共犯之條君子嚮儒盍守獨行之節知府寺  
之攸設惟藩屏而是崇不得其門同臨蔽惡之地必  
求諸道當愈由徑之非雖曰比之匪人實亦動而過  
則原其發慮遽云職汝之由詳彼治躬豈可効人之  
僻各將誰執戚實已招視籬落之具有當跬步而為  
過別肩漢家之網或異首科自絕蒲人之祛諒難降  
等三千之條備紀七十之杖何逃罪必甘心詞奚苦



訴

甲私行入驛驛官拒之辭云職事吾以上  
出非君命難入息於野廬名重官聯當即安於公館  
既紆朱而表貴雖按轡以何傷甲錫爵王朝改轅私  
役名司其局張旌且具於輶駟駕言出遊秣馬遂登  
於館舍何哉主吏罔識彝儀况銀章之自崇豈金車  
而見困地分亭堠亦既高其閑閑位列簪纓焉可止  
于逆旅官已差其品秩入合辨於尊卑伯宗之傳弗  
乘誠難假道子產之垣未毀姑可安身必體置郵之  
規且殊授粲之費漢朝典故自存予告之條周知職

言宜謹守涂之役豈謂治其家事即欲異於王人不  
違寧居駟牡雖非於驛騎各有攸處一宿當就於蓬  
廬但可容其寢興無或給其委積式符唐令勿亂周  
行

辛捕罪人丁過而不救辭云家有急事救  
療

通播未擒宜同掩襲彌留待救安可遭迴苟或責其  
容姦姑合先於拯患辛事當祗役職在追逃力而拘  
之飢雁鳥之効不展勢不足者困獸之鬪方勞眷彼遵  
塗之人式冀執兵之助備其越逸此望惠然肯來憂



在族姻彼乃往而不返誠或慮其飾詐諒合原其執  
心網恐漏於吞舟固宜并力病方深於易箠安得忘  
情徒欲詰其圖全未可罪其爲已囚其亡命雖追捕  
以攸先人各有親當患難而自救縱云行邁殊匪坐  
觀逋逃之黨未除遽令誦我賤賤之求不濟則欲怒  
誰職且異於追胥罰難加於行路是則彼有詞矣姑  
合宥而捨之

秘閣試十首

甲建議請依漢舉孝弟力田者復其身難  
者以爲古今不同恐生僥倖

行著聞聞固宜勵俗力勤吠畝未可與賢將施復弄  
之科當舉酌中之典甲舉雖博古識未及今徒謬聲  
其謾聞遂堅陳於白奏以謂教先三德必求鄉黨之  
揚名地給百廩宜察井廬之魅力書爲科制視彼賢  
愚苟能兼於等夷則使獨其征賦未臻其極夫豈無  
詞何則言分德行之科誠爲興廢泰急耕戰之務乃  
俾復身事難者於典章理或資於法革謹循陔之養  
自可推門富連科之田寧容減筭懼涕有移風之益  
胼胝乃潤屋之常徒欲勉其助農烏得比其抱義賢  
者貴者周官弛力而有經或籽或耘漢制免徭而爲



蓋但可察其高節禁受橫游且負甲能趨魏氏雖寬  
於一卒維桑念舊世祖猶惜於十年庶証協於布常  
難兼行於優後

乙以贓抵罪至死丙與之職事哀其母老  
請獄自陳與乙同受欲減其死有司不許  
曰吾不於狀外案事

交將重義當濟急難獄杆貴情奚輕紆効雖欲許其  
排患固宜執彼受中乙也行乃辱先官非詔德水壺  
失檢將書伏鎖之刑絲衣承顛遂廢積愆之侍眷言  
益友遽啓嘉謀自引姦賊蓋欲令其緩死相先爵位

曾不顧於危身傾測言機宜敦治體官曹聯事雖嚴  
相坐之條吏局茂私當察獨行之志本殊共犯寧信  
自誣養闕北堂誠憂其待盡議專丹筆難濫於非辜  
爾雖重於金蘭我豈輕於微纆梟鸞並翼縱未革音  
玉石同焚恐為傷善所宜理奪安取面從君子結交  
義徒深於刎頸前王著律罪固在於原心無聽憑虛  
庶諧閱實

丙嘗與丁有舊亡命抵丁不遇丁第戊年  
幼因留舍之及事泄有司收丁戊送獄戊  
曰保納舍藏者我也丁曰彼來求我非弟



之罪州縣不能決遂上讞之

罪因容隱卽坐藏亡詞苟逮連先科率下當責正家之道庶諧治國之風丙砥礪自乖廉隅靡慎動旣罹於漢網滅耳堪憂逸遂同於楚囚脫身有計始求舊而無遇俄蒐隱而有歸旋聞欲蓋而彰彼皆不受其死丁以漏魚見詰情本締交戊以題鳳未逢罪歸隱惡各感遺身之分競推約法之宜雖義重鵠原將讓生於季第而令行漢帝終報重於元昆式協事機庶諧刑典胡爲州縣之讞罔達朝廷之規且曰爲兄之難須從任長之律叔段不悌鄭伯有失教之譏文舉

保奸孔褒當隱賊之坐况云年幼宜協律文

甲逮議請依古法置銅虎符給郡守每當發兵遣使者至郡合符符合聽受之所以慎重戎事難者以爲其法又廢行之無益

事重幾微雖崇使節時逢開泰焉用兵符志徒務於經邦理何忘於觀變甲也自矜博識罔達嘉猷以爲千里宣風既共憑於熊軾六韜董衆請復頒於虎符冀皇華之或臨俾軍興而無妄詳觀獨見恐泥舊章右一左三誠則重其戎事先庚後甲亦將順彼民風



苟專金革之容將異詩書之敬且靈臺師節况當舞  
羽之朝豈英蕩使威獨啓握兵之用在古今之異代  
豈必襲而一貫司馬以牙璋起旅式紀周官會稽以  
髦節興師終乖漢制矧兹凶器安露沉機且發即堪  
憂世祖嘗云於鬢白雖合而為信晉鄙未免於心欺  
徒事言危殊非利百

丁為別將遇敵強不戰而退至帥責其異  
愞之罪丁不伏曰見可而進知難而退軍  
之善政也

陷堅却敵雖期必克全師保勝則貴知權苟免喪旌

之羞難責臨戎之略丁建牙裨校賜戟別屯提虎旅  
必先登達豹韜之妙識襄粮坐甲雖有奪之心高  
舉固軍誠在知難而退胡為主帥自昧機鈴徒謂耻  
於交綏曾未得於多算且夫什則圍而倍則戰著自  
前小敵堅而大敵擒存諸嘉話豈輕備禦自取覆  
亡鋒不可當爾雖慙於避銳寇無所掠我未爽於知  
兵所期量力而行寧妨觀釁而動有進無退誠或譏  
其逗留鞠陳師合先明於勝負關難同於困獸慮  
宜盡於前茅自全必勝之名孰致非夫之謂楚稱六  
間徒聞卻至之言晉全三軍合採樂書是策勢使然



也人其謂何

乙爲國將其兄嘗爲敵人丙所烹後丙敗來降其國君勅乙曰丙即至人馬從者敢搖動者致族夷乙曰兄弟之讎不反兵

兀宗私室有怨寧忘受命王朝雖讎必捨苟避讎於虐我將取誚於非忠乙志篤弟恭名高將種昔多患難痛斷手於兇人今既平寧觀束身於皇化俄屢承於君令俾無復於仇家奉以周旋難乎進退執兵待報嘗悲列鼎之有羊既未難習如給之肯縱高義之所任當首忠規苟釋憾之弗自足未足爲禍若發命而

不稟何以事君徒結戀於天倫宜推誠於國體懿伯之忌出境尚握節而避之酈商之雙入朝難枕戈而殺也必資大順無或固違史駢之言既得之矣子夏之問不其然乎式遵事主之宜奚取徇私之節

丙建議以爲使吏任子弟率皆驕驁不達古今宜明選求賢除任子之令難者曰諸侯繼世以象賢仕者世祿以延賞古之道也

任子有經雖憂濫進擇才而用寧廢賞延事當協於大中理難從於徧執丙嘉謹自許橫議聿陳謂



公族之非良殊乖德舉請吏能之必審當以言揚  
恐膏梁之易驕鄙閥閱而無取未臻治本將昧邦  
經苟天爵之自修雖代祿而何害鮮克由禮誠多  
侈汰之虞無忝所生亦有恪恭之者故景升之室  
狔犬貽羞安石之庭芝蘭擢秀儻令盡弃無乃深  
在乎糾以庠序之儀謹其詩禮之教勵官箴而黜  
惡肅政經而勸善叔向龍蛇之禍罰而不私蘇  
壞柱石之材用而無廢必若噐業之可採豈以門  
地而見遺周著象賢之規漢布推恩之典自存  
姬旦之法奚苦王吉之言勿弃采葑式符刈楚

乙爲給事中制勅有不可者遂於黃勅後  
批之吏曰宜別連白紙乙曰別以白紙乃  
是文狀豈曰批勅耶有司劾以非事君之  
道無人臣之禮

事協謀猷固宜將順職居封駁安可依違若毫釐之  
有差在彌縫而必正苟責事君之禮盍先體國之誠  
乙才可兼人位未充量青瑣要務既踐夕郎之班黃  
紙除書或塗兼相之字庶昭骨鯁以備歲規初啓紫  
泥之封未敢奉詔若連白狀之尾不如無書雖天語  
之已宣在朝論之心振慎其出令誠無反汗之期勤



於獻可奚懼犯顏之責儻從吏議恐昧國經且王言如絲自存於綱紀而臣心若水卹効於脂膏異詭隨而自居豈忠亮而為罪漢代或旌於肅奉唐家亦美於封還哭李谿之白麻誠為沮事批叔翰之黃勅難廢泣官當許直臣無拘局節

甲為亳州刺史州境有群賊剽入廬舍劫奪貨財累政不能擒捕甲潛設機謀悉知賊之巢穴乃起兵盡誅斬之庶使責其不先啓聞効以擅興之罪甲曰前剪賊除兇間不容息若須啓報恐失機

政宣列土專命非忠師如疾雷擒姦貴速必重解紛之誠寧貽動衆之譏况乎職在宣風民未安堵眷彼崔蒲之黨方恣敘數揚乎桴鼓之威宜先勒絕胡為執政曾未協心刺史以戰得廟謨進宜耀於貔虎庶使以兵稱凶器動必待於絲綸彼雖虞於檀輿此已成於拙速且株徒既死尚曰時予之辜儻滋蔓難除抑亦是誰之過責其制變恐未知權待越客而操舟何能拯溺白大人而救火應已焦頭苟協機宜難科專輒死或枉於金革不俟君言事苟利於國家豈虧臣節式顯發姦之志當許幹時之策蒼鷹將逐於鳥



武怒可嘉，踈網未漏，於鯨鯢刑章，斯得害既除於  
惡馬，理無取於亂繩，不得已而用之，此宜無罪。堂學  
斷斯獄矣，人豈有非。

舊制戶絕田土皆沒入官，丙建議請給與  
見佃人，難者以爲戶絕之家悉是鰥寡孤  
獨，若給與見佃之人，佃人利其土田，恐生  
窺伺，枉害人命。

土均三壤，素號於王田，人謝九泉，豈私於民惠况乎  
名編生齒，賦取食毛，全歸方歎於天窮，莫諧嗣續，籍  
沒式頒於戶，令用絕覲覲，重爲典章，多歷年所，建議

以國不言利，請散於族姻，難者以人皆有貪，恐生於  
僥倖，雖是非之互舉，在萌漸以宜防，原隰丘陵，既厚  
連阡之入，鰥寡孤獨，寧無買董之虞，儻富貴之可圖，  
諒姦詐之必啓，兼子旗之室，嘗聞立宰之嫌，破石崇  
之家，亦切利財之歎，遂令游惰之輩，悉生窺伺之心，  
非大猷之是經，曾小惠之未徧，且周公垂法，自存井  
牧之規，豈伯道無兒，却爲隣里之喜，推章可舉，新意  
難從。

私試十首

乙領選部舉丙爲吏議者以丙父得罪不



許辭云罪不相及

錯薪求治舉必擇材寘棘施刑罰寧及嗣用蓋資於俊又法可取於繁苛乙位列天官識高風鑒再擢逸群之俊爰敦舉善之方教缺家肥人雖憂其蕭公罪非孛戮理未廢於興賢當國器而是求豈門閥而見棄仲弓積行嘗覩犁牛之嗟大禹立功寧坐羽山之黜何謂從其類也固合取其節焉拔茅必協於彙征雖聞選衆採非苟遺於下體無乃失人若堂構而是思恐輪轅之未盡饁田秉禮當成卻缺之名伏鑽就刑豈傷嵇紹之舉奚宜棄我盍許援能雖黨錮逮連

漢代嘗聞於廢族而網羅遺逸周人弗絕於起家宜詢于也之良無紕父考之惡

甲未冠而戰死里尹欲以殤禮葬之鄉師不許

未加冠弁禮雖下於成人能奮干戈義必旌於死國謀且高於出類制寧拘於襲常甲勇畧自居軍鋒甚銳筮廟門而加布尚邈冠期歌虞殯以奉旗願先戎事志方堅於血刃身遂陷於膏原里尹以年在佩觿當從降服鄉師以力能衛社難戒遣車各執是非之心互有異同之論若童心未變當從厭祭之儀况士



節可嘉宜徇旌賢之議短長斯見用捨何疑敢無存  
之先登葬猶加等陳子行之即敵乃盡忠豈待請  
醴之期欲削成墳之制周公舊訓雖有祭宗之文尼  
父加談嘗著勿殤之義能存馬援之志勿貶童汪之  
容

丙獨居一室夜暴風雨隣婦室壞趨而託  
焉丙閉戶不納或譏其不仁

急難相救里仁姑務於恤隣居處必莊君子不忌乎  
憤獨雖幸災而是懼當欺暗以爲虞丙也儼若攸思  
塊然危坐謹爾容於異室偶天變於中宵莒婦與嗟

梁木其壤魯人守節風雨不渝徒款扉而見投終閉  
門而弗納窮來歸我任潔志於冰霜人而無儀恐致  
嫌於瓜李蓋期乎率履不越豈忘於惻隱之心且女  
子有行夜必思於秉燭而賢人之德疑亦戎於拾塵  
况乎大欲存焉曷可苟而已矣援之以手既異子與  
之權姬不逮門難敷展禽之可當杜未然之謗宜旌  
不亂之言貴以群居慮非達理

乙名譽不聞或責之辭云友之罪也

道貫五常雖資力行譽流四表必假友生既兼該而  
育成在愉暢而乃顯乙智高博古學富知今鼓篋師



武溪集卷十二  
十七  
門肆鑽研而自得斷金交態掩聲稱以無聞遽興或  
者之譏實自良朋之過且王陽筮仕古人嘗喜於彈  
冠朱博知名當代共推於結綬探順旣勤於道術嚶  
鳴寧忘於奮飛削牘三千媒銜雖能延譽寓言十九  
吹噓誰不因人學苟廢於修辭固宜罪已義或因於  
蔽善何謂得朋才旣由於爾知聲豈資於我鼓顏回  
好學在尼父之所稱蜀嚴逃名因揚榷而益顯當責  
如蘭之契庶諧伐木之風

武溪集卷第十二



